

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 04-14248112
Sarajevo, 17.12.2012. godine

Na osnovu člana 213. Pravila Elektrotehničkog fakulteta u Sarajevu - Prečišćeni tekst (broj: 01-01-2966/09 od 09.10.2009. godine), člana 119. Zakona o visokom obrazovanju ("Službene novine Kantona Sarajevo", broj: 22/10) i prijedloga prodekana za nastavu broj: 02-2-4130/12 od 12.12.2012. godine, Nastavnonaučno vijeće Elektrotehničkog fakulteta u Sarajevu na 135. redovnoj sjednici, održanoj 17.12.2012. godine, donosi

ODLUKU
o pravilima postupanja nakon provedene studentske ankete

I

Ovom odlukom regulira se način postupanja u slučaju kada se nakon provedene studentske ankete utvrde nezadovoljavajući rezultati evaluacije rada akademskog osoblja Elektrotehničkog fakulteta u Sarajevu, a u svrhu uspostave, osiguranja, unaprjeđenja i unutrašnje ocjene kvaliteta nastavnog procesa na Elektrotehničkom fakultetu u Sarajevu.

II

Na temelju dobijenih izvještaja o kvalitetu nastavnog procesa, odnosno izvještaja o rezultatima studentske ankete, šef odsjeka je dužan obaviti razgovor sa akademskim osobljem:

- koje je dobilo sveukupnu prosječnu ocjenu manju od 3 (na skali od 1 do 5);
- koje je na neko od pitanja iz ankete imalo prosječnu ocjenu manju od 2;
- koje je na pitanje o broju sati samostalnog rada imali prosječno vrijeme za 30% veće od planiranog na osnovu ECTS kredita;
- kod kojih je iz komentara u anketnom listiću uočena mogućnost grubog kršenja uobičajenih etičkih normi.

III

O obavljenim razgovorima iz tačke II ove odluke šef odsjeka je dužan pismeno izvijestiti Dekana prije početka sljedećeg semestra.

IV

Član akademskog osoblja (predmetni/odgovorni nastavnik), koji je ocijenjen nezadovoljavajućom ocjenom, dužan je sačiniti izvještaj o razlozima iste i dati prijedloge za poboljšanje u izvođenju nastavnih aktivnosti, te predložiti mjere kojima će se uočeni nedostaci otkloniti.

V


Odluka stupa na snagu donošenja, a primjenjivat će se od studijske 2012/2013. godine.

Obrazloženje

Na Elektrotehničkom fakultetu u Sarajevu je prije nekoliko godina bio pripremljen nacrt Pravilnika o postupku vrednovanja kvaliteta nastave anketiranjem studenata. Sličan nacrt je pripremljen i na Univerzitetu u Sarajevu, ali čitav postupak ovisi od procesa integracije Univerziteta u Sarajevu i usvajanja Statuta Univerziteta u Sarajevu. S druge strane studenti ne pokazuju interes za provođenje postupka anketiranja, prevashodno iz razloga što ne vide bilo koje dejstvo na ono što oni kažu. Prijedlog Odbora za upravljanje kvalitetom na Elektrotehničkom fakultetu u Sarajevu je da se do trenutka donošenja naprijed navedenih normativnih akata na Univerzitetu u Sarajevu i Elektrotehničkom fakultetu u Sarajevu donese odluka koja će biti osnov za poduzimanje određenih mjera o kojima će se obavijestiti i studenti u slučaju kada se utvrde nezadovoljavajući rezultati anketiranja studenata, a u vezi sa evaluacijom rada akademskog osoblja Elektrotehničkog fakulteta u Sarajevu. Prijedlog prodekana za nastavu broj: 02-2-4130/12 od 12.12.2012. godine, Nastavnonaučno vijeće Elektrotehničkog fakulteta u Sarajevu jednoglasno je usvojilo, te je na osnovu prednjeg odlučeno kao u dispozitivu.

Dostaviti:

1. Dekan
2. Prodekan za nastavu
3. Šefovi odsjeka (4x)
4. Studentska služba
5. a/a



DEKAN
Red. prof. dr. Narcis Behlilović, dipl.ing.et.